

iuuenis spectata uirtute florentissimus, in ipso partæ pacis
limine conciderit. Id igitur quod ei debebam, tibi rerum
omnium hæredi integra fide perfoluo. Tu uero sapien-
ter generoseq; feceris, ac plane regiè si eo animo librum
euolues, ut repudiatis uitiis summos tantum uirtutum
flores decerpas. Id porro tibi haud difficile fue-
rit, qui paternæ laudis æmulus, atque auitæ
constantia præclarus imitator, ita diuer-
sas miro temperamento in unum
uirtutes misces, ut iam Gallia
minime dubitet, quin sis
duobus longe maxi-
mis regibus ma-
ior atq. feli-
cior eua-
surus.

V A L E.